

**“Navoiy kon-metallurgiya kombinati” aksiyadorlik jamiyatida
Korrupsiyaga qarshi kurashish ishlarining samaradorligini oshirish hamda
ochiqlik va shaffoflikni ta’minlash sohasida amalga oshirilgan ishlar to’g’risida
H I S O B O T**

31-dekabr 2024-yil

“NKMK” AJda (*keyingi o‘rinlarda - Jamiyat*) korrupsiyaga qarshi kurashish hamda ochiqlik va shaffoflikni ta’minlash yo‘nalishida 2024-yil davomida bir qator ishlar amalga oshirildi.

Xususan, **Korrupsiyaga qarshi kurashish sohasida.**

Jamiyatning shtatlar jadvaliga asosan Komplayens xizmatiga (*keyingi o‘rinlarda - Xizmat*) **15 ta** shtat birligi ajratilgan bo‘lib, shundan 14 nafari xodimlar bilan to‘ldirilgan. Hozirda 1 ta vakant lavozimlarga xodimlarni ishga olish bo‘yicha tanlov jarayonlari davom etmoqda.

2024-yil 10-yanvarda **12 banddan** iborat “NKMK” AJda 2024-yil davomida Korrupsiyaga qarshi kurashish ishlarining samaradorligini oshirish hamda ochiqlik va shaffoflikni ta’minlash yo‘nalishida amalga oshirilishi rejalashtirilgan chora-tadbirlar dasturi va 2024-yil 30-yanvarda Jamiyat tizimida raqobat to‘g‘risidagi qonunchilik hujjatlari talablarining buzilish xavflarini kamaytirish bo‘yicha **9 ta banddan** iborat yo‘l xaritasi tasdiqlandi va ijrosi to‘liq ta’minlandi.

Jamiyatda **2024-yildan** aksiyadorlarning umumiy yig‘ilishi, kuzatuv kengashi va boshqaruviga ko‘rib chiqish uchun kiritiladigan va ularning so‘roviga ko‘ra yuboriladigan hujjatlar loyihalari, Bosh direktor va bosh direktor o‘rinbosarlari qabullari yakuni bo‘yicha tuzilgan bayonnomalar loyihalarini Bosh yuriskonsult va Komplayens xizmati tomonidan **huquqiy va korrupsiyaviy ekspertizasidan o‘tkazish tartibi** joriy etildi. Mazkur yo‘nalishlar bo‘yicha **128 ta** (38 ta fuqaro qabullari bo‘yicha va 90 ta boshqaruvga ko‘rib chiqish uchun kiritilgan) hujjatlarning qonuniyligi ko‘rib chiqildi.

Xizmat tomonidan jami **7 121 ta** (6 164 ta buyruq va 957 ta farmoyish) ichki idoraviy hujjatlar korrupsiyaga qarshi huquqiy ekspertizadan o‘tkazildi. Korrupsiyaviy ekspertiza natijasida **516 ta** ichki idoraviy hujjatlar normativ-huquqiy yoki ichki idoraviy hujjatlar talablariga muvofiqlashtirildi.

Jamiyatning markaziy apparati va barcha tarkibiy bo‘linmalarida 2024-yil 1-choragida korrupsiyaviy xavf-xatarlarni aniqlash va baholash o‘tkazildi. Baholash natijalariga ko‘ra, **947 ta** funksiyalar baholanib, shundan **3 ta** “yuqori”, **45 ta** “o‘rta” va **899 ta** “past” darajadagi xavf-xatarlar aniqlandi hamda ularni oldini olish va bartaraf etish yuzasidan 2024-yil 20-fevralda **46 ta** banddan iborat chora-tadbirlar Dasturi tasdiqlandi.

Bugungi kunda dasturning **33 ta** bandi ijrosi ta’minlandi va qolgan bandlarining ijrosi nazoratga olindi. Dastur ijrosi natijasida **22 ta** yo‘nalish tartibga solindi va **11 ta** yo‘nalish avtomatlashtirildi.

Xususan, Dasturning 10-bandli ijrosi yuzasidan 2024-yil 17-aprelda Jamiyatda mehnatni muhofaza qilish va sanoat xavfsizligi talablariga rioya etilishini hisobga olish va nazorat qilishning yagona axborot tizimi (<https://tb.ngmk.uz>) joriy etildi.

2024-yil mobaynida Jamiyat ishchi-xodimlari bilan **138 marotaba** (*jumladan, 105 ta seminar, uchrashuv va davra suhbat, 26 marotaba rasmiy veb-sayt, 2 ta gazeta, 3 marotaba televideniya, 2 marotaba radioda*) huquqiy targ'ibot va profilaktik tadbirlar o'tkazildi. Targ'ibot tadbirlarida **8 478 nafar** ishchi-xodimlar ishtiroki ta'minlandi.

Xususan, 2024-yil aprel-may oylarida Markaziy kon boshqarmasining 24 ta bo'linmalarida "Biz yoshlar – korrupsiyaga qarshimiz" va "Ogohlik – davr talabi" mavzularida, shu bilan birga Korrupsiyaga qarshi kurashish siyosati, Odob-axloq kodeksi va Monopoliyaga qarshi komplayens tizimini tushuntirish yuzasidan o'quv seminarlari tashkil etildi. Ushbu seminarlarda 2 801 nafar ishchi xodimlar ishtiroki ta'minlandi.

Shu bilan birga, 2024-yil may oyida Janubiy kon boshqarmasining 6 ta bo'linmalarida o'quv seminarlari tashkil etildi. Ushbu seminarlarda 710 nafar ishchi xodimlar ishtiroki ta'minlandi. Shu bilan birga, hozirgi vaqtga qadar Janubiy kon boshqarmasining **5 708 nafar** xodimlari "Korrupsiyaga qarshi (Compliance) elektron kursi bo'yicha o'qitildi.

Xizmat xodimlari tomonidan jami **30 marotaba** shundan, **17 marotaba** onlayn va **13 marotaba** an'anaviy malaka oshirish kurslarida ishtirok etildi. Jumladan, Xalqaro korrupsiyaga qarshi kurashish akademiyasining (*International Anti-Corruption Academy*) "Korrupsiyaga qarshi kurashish uchun xabar berish tizimi" yo'nalishida **8 ta**, Xalqaro komplayens tizimini joriy etish yo'nalishida **8 ta**, AQShdagi Pensilvaniya universitetining "Komplayensning boshlang'ich asoslari", "Komplayens dasturlarini samarali ishlatish", "Maxfiy hujjatlar va ma'lumotlarni himoya qilish" yo'nalishida **5 ta** va "AQSh va Yevropa ittifoqining Rossiyaga qarshi sanksiyalar va eksport nazorati" yo'nalishida **1 ta** va boshqa yo'nalishlarda **8 ta** sertifikatlar olindi.

2024-yil mobaynida Komplayens xizmatiga jami **606 ta** ijro hujjatlari kelib tushgan bo'lib, ijro muddati kelgan **498 tasining** ijrosi o'z vaqtida ta'minlandi. Xususan, **57 ta** yuridik va jismoniy shaxslardan murojaatlar kelib tushgan, shundan 51 tasiga huquqiy tushuntirish berilgan, 6 ta murojaat qisman qanoatlantirilgan. O'rganish jarayonida 8 ta murojaatdagi holatlar vakolat doirasida ko'rib chiqish uchun huquqni muhofaza qiluvchi idoralarga yuborilgan.

Shu bilan birga, Jamiyatga xodimlarni ishga qabul qilish va boshqa ishga o'tkazish bo'yicha komissiyaning **414 ta** hamda homiylik va xayriya yordamlarini ko'rsatish komissiyasining **64 ta** yig'ilishlarida komissiya a'zosi sifatida ishtirok etildi.

"NKMK" AJ va uning tarkibiy bo'linmalarida ishga qabul qilinayotgan nomzodlarni tekshirish bo'yicha Yo'riqnoma talablari asosida tanlov asosida ishga

qabul qilinuvchi **1 459 nafar** nomzodlar ustidan tekshiruvlar amalga oshirildi. Nomzodlarni tekshirish natijasida **1 456 ta** ijobiy va **3 ta** salbiy xulosalar berildi.

Tanlov va mehnat qonunchiligi doirasida ishga qabul qilingan **1 456 nafar** xodimlarning mehnat shartnomalariga hamda “NKMK” AJ tomonidan tuzilgan **18 970 ta** xo‘jalik shartnomalariga korrupsiyaga qarshi shartlarning kiritilishi ta’minlandi.

O‘tkazilgan monitoringlar natijasida **148 ta manfaatlar to‘qnashuvi holatlari** shundan, **46 ta** mavjud va **102 ta** ehtimoliy manfaatlar to‘qnashuvi holatlari aniqlandi hamda ularni bartaraf etish bo‘yicha Odob-axloq komissiyalari tomonidan tegishli tartibda qarorlar qabul qilindi.

Kombinat bilan shartnomaviy munosabatlarga kirishmoqchi bo‘lgan barcha kontragentlar tekshirilishi ta’minlandi.

Bundan tashqari, “NKMK” AJ bilan shartnomaviy munosabatlarga kirishuvchi xorijiy jismoniy va yuridik shaxs hamda banklarni sanksiyalar bo‘yicha nazorat qiluvchi Komissiya (*komissiya tarkibiga Komplayens xizmati kiritilgan*) tomonidan **19 ta** kontragent hujjatlari sanksiyaviy nazoratdan o‘tkazildi. Shundan, **15 tasi** bo‘yicha ijobiy va **4 tasi** bo‘yicha salbiy xulosa berildi.

Shuningdek, O‘zbekiston Respublikasi Prezidentining 2022-yil 12-yanvardagi “Korrupsiyaga qarshi kurashish ishlarining samaradorligini **reyting baholash** tizimini joriy etish chora-tadbirlari to‘g‘risida”gi PQ-81-son qaroriga ko‘ra, 2024-yil yakuni bo‘yicha **29 turdagi** ma’lumot va hisobotlar “**E-Anticor.uz**” elektron platformasiga kiritildi.

Ochiqlik va shaffoflikni ta’minlash sohasida.

O‘zbekiston Respublikasi Prezidentining 2022-yil 14-iyundagi “Davlat organlari va tashkilotlari faoliyatining ochiqlik darajasini oshirish va baholash tizimini joriy etish chora-tadbirlari to‘g‘risida”gi 154-son Farmoni ijrosi yuzasidan tegishli ma’lumotlarning belgilangan muddatlarda Kombinatning rasmiy veb-saytida e’lon qilinishi ta’minlanmoqda.

Jamiyatning www.nkmk.uz rasmiy veb-saytida hamda ichki portalda (*kombinat xodimlari uchun joriy etilgan*) joriy etilgan “**Korrupsiyaga qarshi kurashish**” va “**Ochiq ma’lumotlar**” bo‘limlarida ichki idoraviy hujjatlar, ochiq e’lon qilinishi belgilangan ma’lumotlar, murojaatlarni yuborish uchun tegishli aloqa kanallari, ijtimoiy videoroliklar hamda Xizmatning mas’ul xodimlari to‘g‘risidagi ma’lumotlar joylashtirildi hamda ushbu ma’lumotlar doimiy tarzda yangilanib borilishi nazoratga olindi.

Jamiyat faoliyatida ochiqlik va shaffoflikni ta’minlash, ularning jamoatchilik va fuqarolar oldida hisobdorligini oshirish maqsadida ommaviy axborot vositalari vakillari va korxona ishchi-xodimlari ishtirokida **2024-yil 24-yanvar kuni** Navoiy shahridagi “NKMK tarixi” muzeyida va **2024-yil 18-noyabr kuni** “NKMK” AJ Markaziy apparati binosida **brifing** o‘tkazildi.

Shu bilan birga, Kombinatning 2024-yil 9-fevraldagi tegishli buyrug'i bilan "NKMK" AJning faoliyatiga oid ochiq e'lon qilinishi lozim bo'lgan ijtimoiy ahamiyatga molik ma'lumotlar, ularni yangilab borish muddatlari va mas'ul ijrochilar ro'yxati hamda ma'lumotlarning namunaviy shakllari tasdiqlandi. Mazkur ijtimoiy ahamiyatga molik ma'lumotlarni belgilangan muddatlarda rasmiy veb-saytga e'lon qilinishi nazorat olindi.

2024-yilda Jamiyat Markaziy apparati "SERT International" xalqaro sertifikatlovchi tashkilot tomonidan o'tkazilgan 2 bosqichli tashqi audit yakuni bo'yicha ISO 37001:2016 "Korrupsiyaga qarshi kurashish menejment tizimi" xalqaro standart talablariga muvofiqligi tasdiqlandi va xalqaro sertifikatga ega bo'ldi.

Avtomatlashtirish sohasida.

Jamiyatda avtomatlashtirish sohasida 2024-yilda 12 630,8 mln.so'mlik 5 ta axborot tizimlari yaratildi va amaliyotga joriy etildi.

Xususan, Jamiyatdagi har qanday texnikaga davriy va doimiy texnik xizmat ko'rsatish, ta'mirlash va ehtiyot qismlarni buyurtmasini shakllantirish maqsadida "1S":TOIR Uskunalarini ta'mirlash va texnik xizmat ko'rsatishni boshqarish" axborot tizimi yaratildi.

Bundan tashqari, Jamiyatda ma'lumotlarni tezkor va aniq tahlil qilish maqsadida barcha (*zavod, sex, kon va boshqa*) ob'ektlarda 3 728 dan ortiq video-kameralar o'rnatilib, texnologik jarayonlarni nazorat qiladigan videokuzatuv tizimi joriy etildi.

Bu tizim o'z navbatida operatorlarning ish yukini va ishlab chiqarishdagi nuqson (*brak*)larni kamaytirishga, ishlab chiqarishni nazorat qilishning unumdorligini oshirishga, xodimlarning harakatlarini nazorat qilish va ishlab chiqarishdagi **o'g'rilik, baxtsiz hodisalar, jarohatlar hamda boshqa favqulodda vaziyatlarni** oldini olish va o'z vaqtida bartaraf qilishga xizmat qiladi.

Komplayens xizmati boshlig'i

R.F. Avezov